

## Mokanda Yoane nwa iyato Yoane Maphoo ma etatele

Moto owa koma mokanda nwa iyato mumu kamibangye «Nkumu» (kyeka na o mokanda nwa Yoane nwa ibale). Amotomelaka Gayusi pho ya imokyebisa obokye yo sabenga mofesi nwa Diotrefe, kasi alukye nde obokye apha Demeteliusi maboko.

Mokanda mumu moteya obokye owakolo moanosi eli nde yo okozingye bebi baso.

### **Maphoo mali o mokanda mumu me mama:**

- Etee ya 1-4: Maphoo ma etatele
- Etee ya 5-8: Basambi ianola sa Gayusi
- Etee ya 9-12: Bofo pha Diotrefe na bolaa pha Demeteliusi
- Etee ya 13-15: Maphoo ma isokya

### *Ibeya*

<sup>1</sup> Inga, nkumu ya ingomba sa Nwaphongo, nakomele mokanda mumu, iwe Gayusi wa lozingo, okozingye nga phele.

<sup>2</sup> Nwebi owa lozingo, nazingye obokye obe na bolaa o maphoo maso, emba nzoto ya we ibakye nkusi, na molimo nwa we mofo nde bomoo.

<sup>3</sup> Nali na nkyisa boikye pho bebi baaesi wawa, banzimosi maphoo malaa mali onte ya bomoo pha we obokye iwe, kotambule onte ya phele.

<sup>4</sup> Nkyisa ya nga boikye, eli nde ya iyoka obokye bana ba nga batambule onte ya phele.

### *Gayusi owakolo moanosi*

<sup>5</sup> Nwēbi wa lozingo, komiweninya owakolo moanosi waasungye we bēbi ebee na babutu.

<sup>6</sup> Baesi ya imola ngolu ya we o boo pha ingomba. Okyelaka nde babona pho baunve etoma ya bēe na bolaa bookosepele Nwaphongo.

<sup>7</sup> Emba nde pho ya Nkombo ya Klisto, bakye o imbanga, kasi tebaikiyi zwa na ekpele oka bato baatebaebe Nwaphongo.

<sup>8</sup> Emba banga, tosengyesi isunga bato me, pho tomiweninya obokye na banga toanga na bēe o ikyela maphoo ma phele.

### *Diyotrefe na Demetiliusu*

<sup>9</sup> Nakomesi ingomba sa bēe njwana mokanda. Kasi Diyotrefe, okozingye iba nde o boo o maphoo maso, taanole maphoo ma banga.

<sup>10</sup> Emba na wamoya nga, namoimola bobe phe bosoo, yo okolotemele na maloba maabe: Emba otosepele yo na maphoo mamana, yo mampenza kale na iyamba bēbi, na baazingye ibayamba, kambe kula bakatela, kambe na bawiinya o ingomba.

<sup>11</sup> Nwēbi owa lozingo, samekola maphoo maabe kasi malaa. Moto okokyele bolaa ali owaaka Nwaphongo, moto okokyele bobe taaebe Nwaphongo.

<sup>12</sup> Ka pho ya Demetiliusu, bato baso bamowole nde na bolaa. Na maphoo malaa mawo pho ye. Kasi na banga me, tomowole nde na bolaa, emba koebe obokye munoko njwa banga moli nde phele.

*Ndongolo*

<sup>13</sup> Nabakyi na maphoo maikye maekomela, kasi sizingye ekomela mango na maa ma mokanda.

<sup>14</sup> Pho naumunya iyewene mi nkolo ikyi ye, emba tomba solola.

<sup>15</sup> Le obokye bose bohe na we! Bebi baelongosi. Longolo na bebi, monomom na monomom.

## **Lobala NT**

### **Lobala: Sangola Eenyakune New Testament**

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2025-05-10

---

PDF generated using Haiola and XeLaTeX on 10 May 2025 from source files dated 10 May 2025

45dc5a8e-f513-5ba3-aad6-e48bd1d5b563